



Шорло эл, порилык да гын бер!

43-шо (3379) №,
2018 ий 27 октябрь,
шуматкече.


ЯМДЕ ЛИЙ

0+

1933 ий 1 февраль годсек лектеш.

28 октябрь – Коча да кова-влакын кечышт

Улыт гын
коча,
кова



Палаш онгай

Түнямбалсе 30 наре
элыште палемдат.

2009 ийыште Голландийыште пеледышым ужалыше-влак тыгай ойым темленят: тек ты кечын уныка-влак коча-коваштлан кашпошто кушшо пеледышым пöлеклат. Тидыже туком кылым – кушкыл вожым (коча-кова) да озымым (уныка-шамыч) – ончыкта.

Коктын гармоньым шоктена, сонарышкат пырля коштына. Кочаем уло гын, мыланем эре весела.

Николай ЕМЕШЕВ.
Шернур район.

«Ямде
лий» газетлан –
85 ий!

– Яра жапетым пайдалын,
Модын, воштыл эртаре.
Да газетышке статьям
Ешет нерген сералте.

Лий чулым, тый дечет йодам,
Ирина, – мане кугешнен
Йыван шольым, йолташем.

Ирина ПЕТРОВА.
Морко, Коркатово.

ЛОТЕРЕЙ

Лотерей модыш
ушныза!

Түн
приз –
смартфон!




2019 ийын икымше пелыжлан «Ямде лий» газетлан подпискым ыште да квитанцийжым редакцийыш колто.

Лотерейын учредительже – «Ший памаш» сылнымут фонд. Вуйлатыше – В.В.Краснов.



Реклама.





Сегымаш

Российысе самырык пожарный-влакын эн виян дружинышт IV Всероссийский смотр-конкурсышто таңасеныт. Юл кундем федерал округын чапшым Марий Эл Республикысе Марий Турек район Нартас кыдалаш школын «Искорка» дружиныже (снимкыште) арален. Ёдыр-рвезе-влак кандаш таңасыште вий-куатыштым тергеныт. Марий Элын командыже кумшо верым сенен налын.

Санкт-Петербург 1470 километр тораште верланен. Шонымо семын миен толаш оклий. Руш кугыжаныш музейын фондшо Йошкар-Олашке шке жа к толын. Национальный художественный галерейыште фонд гыч кондымо 50 наре чапле радынам ужаш лиеш. Кажныште түрлө курымын ойыртежже палдырна. Арам огыл выставкын лүмжө – «Из века в век. Сокровища Русского музея». Кажне сүрет воктене шуко жап шогышым. Поснак йоча-влакын портретышт келышыш.



Выставке 2019 ий 29 февраль марте шуйна.

Футболист

Мыйын йолташем – Кирилл. Тудо 8-ше классыште тунемеш. Кирилл физкультур урокым пеш йората, футбол дене талын модеш. Мыят, йолташемым ончен, футболлан шұмангынам.

Костя ЩЕРБАКОВ.
У Торьял, Токтарсола.




НТВ телекомпаний «Ты – супер!» программмыш кастингым увертара. Проектыш йочапөртлаште, ешыште неле ситуацийлан көра школ-интернатлаште илыше, ашнаш налме ешлаште кушшо да сайын мурен моштышо икшыве-влак ушнен кертыт. Йодмашым 20 ноябрь марте колтыман. Конкурс нерген www.ntv.ru сайтыште лудса. Тыгак vorontsova-tv@mail.ru электрон адрес дене серышым возаш лиеш.

Увер

Неле паша

Туныктышын тўнямбал кечынже туныктышына-влакым «кандарышна». 5-9-ше класслаште тунемше-влак уроклам эртарышна. Мый школ директор лийым. 5-ше классыште руш йылмым, ИКН-ым, а 8-ше классыште марий йылмым вўдышым. Мучашыште школ вуйлатыше семын иктешлынамашым ыштышым. Туныктым паша пеш чот неле улмаш. Туге гынат тиде кече мыланем келшен.



Диана АЛЕКСАНДРОВА.
Морко, Эгерсола.



19 октябрьыште И.С.Палантай лўмеш тўвыра да сымкытыш колледжын концерт залжым уэмден почмо. Тушто Марий Эл Вуйлатыше А.А.Евстифеев да тўвыра министр К.А.Иванов лийыныт. Тиде залым 1960 ийыште чонымо, акустикыже Моско консерваторийысе гай. Олымкымо паша 16 миллион тенгеш шуын. Марий Эллан 100 ий темме юбилей вашеш тиде чапле пөлек.



Н.СЕМЕНОВА.



Российысе просвещений министерстве тунемше-влаклан «Мой первый бизнес» конкурсым увертарен. Йодмашым www.kapitany.ru порталыште 10 декабрь марте пуыман.

Кодшо арняште Марий Элыште ОРВИ дене 2194 йоча черланен.

31 октябрьыште Марий кугыжаныш университет пелен Красноармейский урем, 71-ше пөрт адрес дене Сергей Карякинын шахмат школжо торжественно почылтеш.

Корнышто муом тыгыде оксам налаш ойрбө – черланет.

Йошкар-Олаште, Волжскышто да Медведево районышто йочасадлаште 1092 верым почаш федерал бюджет гыч окса ойыралтеш.



Еш - илыш кече

Кандаш икшыван Калининмыт еш Медведево район Пижма ялыште ила. Татьяна Кузьминична ден Олег Александрович йочашт-влакым икте-весым пагален, ача-авам жаплен илаш туныктат. Нунын шўм-чон поянлыкышт, йоратымашышт шкеныштын ныл икшывыштан веле огыл, ашнаш налме кум ўдырлан да ик эргылан тўргоч сита. Калининмытын кум ўдырышт, кушкын шуын, ача-ава суртым коден каен, Федя эргышт – пеленышт. Ашнаш налме ныл икшыве кокла гыч Вика школым тунем пытарен, ача-ава шулдыр йымач «чонештен». Кумытынжо: Артём, Анна, Лилия – ешыште улыт.

– Чех писатель, педагог Ян Амос Коменскийын каласымыж семын «йоча пёртысё окна гай; кём кычкырет, тудак ончалеш». Могай койыш-шоктышан икшывым ужнет – тугайым ончен кушташ тыршет, – ойла Татьяна Кузьминична. – Ме ешыште йоча-влакым нимолан виеш огына туныкто. Изиракше, кугуракшым ончен, тўрлө сомыллан, кидпашалан тунемеш. Пелашем дене коктын ўмыр мучко шинчымашнам пойдарена, икшывына-влакат тыгаяк улыт. Александра, Анна, Даша ўдырна-влак кўшыл шинчымашан, кум дипломан улыт. Нуно илыш корныштым шке ойыренит. Илыш дене тёр ошкылаш манын, тўрлө профессийым налыныт.



Шочмо эл еш гыч тўналеш

Татьяна Кузьминична Калинина Виче кундем Санчурский район Городищенский тўвыра пёртым вуйлата. Олег Александрович Санчурский техникумышто историйым да обществознанийым туныкта. Федя эргышт Санчурскысо кыдалаш школышто тунемеш. Ача-аван – эн кугу польшкалышыже. Сурт коклаште кугурак, нелырак паша тудлан логалеш. Пум шельшеш, мончаш олта. Калининмытын пакчашт пеш кумда, тушто паша чылалан сита. Федя, яра жапыште баяным кидыш налын, тўрлө семым шокта. Изирак Артём – эре Федя пелен. Татьяна Кузьминична тўрлө кушкылым, пеледышым ончен кушта, нунын дене опытым эртара, ик пушенге укшыш весын укшыжым шуя. Тиде сомыллан йоча-влакат шўманын кушкыт. Ава пелен утларакшым Лилия ден Анна лияш йоратат. Ава ўдыр-влакым кочкаш шолтымо, ургымо, фотографийым ыштыме



Калининмыт еш «Мыйын ешем – мыйын поянлыкем» республикысе конкурсышто тагасен, сенгышыш лектын. Всероссийский конкурсыш каяш ямдылалтеш.

мастар-лыклан туныкта.

Калининмыт еш шочмо кечым, У ий пайремым пырля погынен эртара. Тунам сурт йўк-йўан дене темеш. Федян шоктымо сылне семже почеш пырля мурат, шке возымо почеламутыштым лудыт: Даша ден Татьяна Кузьминична сылнымутлан шўман улыт, шке возкалат.

– Ешна кушкеш. Ўдырна-влак марлан лектыт, уныканат уло, – ойла Т.К.Калинина. – Пижмысе кок пөлеман пачерыштына шыгырла чучеш. Сандене кугурак ўдырна, Александра, Краснооктябрьский посёлкышто кугу пёртым налын. Тудым мучаш марте чонен шуктен, чылан пырля илаш куснаш шонена. Йоча-влак кумда илыш корныш пенгыдын да ўшанлын шогалышт манын, чыла шотыштат негызым ешыште налшаш улыт.

Л.ГРИГОРЬЕВА.

Айдеме ден айдеме, ваш ушнен, тукым вожым шуйышаш улыт.
Вячеслав Абукаев.

Синк-вейн

Ава
Ныжыл, ласка.
Полша, умылтара, куандара.
Мый авамым йоратем.
Йолташем.
Марина ИВАНОВА.
Морко, Энерсола.

Мелнаже эн тамле

Авамын лўмжө – Ирина. Тудо кевытыште пашам ышта. Кок кече – пашаште, кок кече – мўнгыштө. Тудын мелнаже эн тамле, пучымышыжо эн тупло. Аваем эн мотор, эн ласка, эн поро. Мый тудым йоратем да пагалем. Кертмем семын сурт сомылым ышташ полшем. Таза, пиалан лийже, нигунам ынге черлане.
Сева НИКИТИН.

Кужэнгер, Шўдымарий.



Знамям конден



Конганур школышто ондакысе туныктышына С.А.Морозов дене вашлиймаш эртыш. Севериан Александрович комсомолыш пуремыжым шарналтыш, атрибутике, ыштыме паша нерген каласкалыш. Пеленже значок-влакым, знамям конден. Палемдыш: тыгай знамя пеш шагал кодын. Тудым мӱнгысӧ тоштерыштыже арала. Кызыт комсомол организаций уке, сандене йоча-влак унам уло кумылын колыштыч.

С.А.Морозов кызыт школышто ок ыште гынат, ялысе самырык тукумым вияндымаште чот тырша. Мутлан, тошто пӱрт олмым эрыктен, футбол площадкым ыштен. Ончычсо комсомолец шкежат спорт дене кылым куча, мер пашамат шукташ жапым муэш. Ончыкылык пашамат палемдыш: каникул жапыште школ тоштерыште комсомол атрибутике ончерым почаш да экскурсийым эртараш.

Кристина БЫКОВА.

Кужӱгер район.

1918 ий 1 декабрьште Марий кундемаште икымше комсомол ячейке Яранск уездысе (кызыт Оршанке район) Марий Ернурышто почылтын.

километрым йолын ошкылынам: йӱштӧ, поранан... Изиш варарак кодынам гынат, ышт вурсо, ӧрыныт ыле.

Комсомол дисциплинылан туныктен: вуйлатышын кӱштымыжым шукташ, йодыныт гын – ышташ! Шылде-голдо койышан комсомолецым погынымаште канашеныт, вурсеныт, шылталеныт – критике деч лӱдалтын. Пенгыде койыш Армиыште служитлыме, институт деч вара 1987-1990-ше ийлаште Марий комсомол обкомышто ыштыме годым моткоч кӱлеш лийын.

Пенгыдын йодыныт

Александр АБДУЛОВ,

«Марий Эл» газет» ОАО-н директор-тӱн редакторжо:



– Мый комсомолыш 7-ше классыште тунемме годым, 14 ийым темемек, пуренам. Пеш пенгыдын йодыныт, Уставым тунемаш пернен. Южыштым иканаште пуртенат огытыл. Ме ятыр пайдале пашам ыштенна. Шарнем, ялысе почталъонлан газет ден журнал-влакым шкенан уремыште шеледаш полшенна. 10-шо классыште мыйым школысо комсомол организацийын секретарьжылан сайлышт. Икана телым райрӱдыш погынымашке мяш кӱштенят. 15



Комсомол значок икмынгар гана вашталтын (1922, 1945 ийла). 1958 ийыште лукмо значокышто йошкар тистыште (знамя) – Ленинын профильже, ВЛКСМ маным возымо.

Эртыме корно: Марий Эл

★ 1919 ий 20 сентябрьште икымше комсомол субботник эртаралтын.

★ 19 ияш Тоня Мамаева – Граждан сарыште кредалше икымше марий ӱдыр-салтак.

★ 1921 ий 16 майыште Краснококшайскыште комсомолын икымше областной съездше лийын. 49 ячейке гыч 85 делегат ушнен. Комсомол обкомын ответственный секретарьжылан Илья Горскийым сайленыт.

★ 1930 ий 1 октябрьште «Рвезе коммунары» газетын икымше номерже лектын.

★ Кугу Ачамланде сар жапыште марий комсомол 25 тӱжем 760 еным фронтыш колтен.



Пионервожатый

Ковам Мария Васильевна

Семенова рвезе жапшым чӱчкыдын шарналта. 1966 ийыште Мариец кыдалаш школым тунем пытарымек, Лиза йолташ ӱдыржӧ дене Марий Турек комсомол райкомыш пӱтӱвкылан миеныт. Тунам комсомолец-влак Тольятти олаш, машина ыштыме заводыш, каеныт. Но комсомол райком ковамым Арбор школыш пионервожатыйлан колтен. Тиде пӱтӱвко дене 40 ий школышто пашам ыштен. Ковам чот тыршен. Тудын ВЛКСМ ЦК-н кум грамотшо уло, шуко грамотым ВЛКСМ Марий обком да Марий Турек комсомол райком кучыктеныт.

Комсомолын 60-шо идалыкше вашеш кок пионервожатыйлан – ковамлан да Надежда Христолюбовалан – «Артек» тӱнямбал йоча лагерьыш пӱтӱвкым пуэныт.

Диана

СЕМЕНОВА.

Марий Турек, Арбор.



ВЛКСМ, комсомол – Всесоюзный Ленинский Коммунистический Союз Молодёжи. Ушемын радамыштыже 14 гыч 28 ияш марте самырык-влак лийыныт.

ВЛКСМ 1918 ий 29 октябрьште шочын. 1924 ийыште Владимир Ильич Ленинын лӱмжым пуымо.



– Римма Григорьевна, комсомол шомакым колмеке, ушыш могай шарнымаш толеш? Кушеч

чылажат тўналын?

– Тиде пагыт мыйын веле огыл, ятыр енын кумылжым вўчка. Тудым уш гыч ўштыл шуаш ок лий. Комсомол мыйын пўрымашем да кугешнымашем манын кертам. Ты толкын нерген шарнымаш кызыт илаш вийым пуа.

Чылажат школышто, парт коклаште шинчые годым тўналын. Мый Волжский районысо Шарача школышто тунемынам. Тунам туныктышовлак (пўтынъ илыш системе тунам тыге чоңалтын) йочам изинек ончыкылык илышлан ямдыленит. Илыш ик толкын, ик йогын семын вияннын: октябрёнок, пионер, комсомол да партий. Кажне толкынжо айдемым шуарен. Сандене мый пенгыдын каласен кертам: йоча да самырык-влакым иктеш ушен шогышо ушем эре лийшаш.

– 1972-1977 ийлаште Те Марий комсомол обкомын секретарьжылан пашамыштенда. Республикысе студент илышлан, пионер, комсомол-влакын пашаштлан мутым кученда.

– Эх, могай онай жап лийын тунам! Могай гына пашалан

Эн тўнжө: пашамышташ туныктенит, тидлан чыла йөн пуалтын. Икте-весе коклаште вашкылым пенгыдемдаш, икте-весылан полшаш, кугуракым пагалаш, калык ончылно шкем кучен да мутланен мошташ туныктенит – икманаш, илыш школ пуалтын.

лыкым, ялым вияндымаште чот тыршенит. А пионерийын шке паша планже лийын. Венгрийысе, Польшысо, Болгарийысе, Германийысе йоча да самырык-влак толкынын пашашт дене палыме лийынна, икте-весе деч шукулан тунемынна. Спорт илышыже мыняр шөрыным авалтен: «Золотая шайба», «Серебряные коньки», «Светофор», «Зарнице», «Орлёнок» да молат. Студент-влак кажне ийын стройотрядыш лектынит. Школысо комсомол ушем тунемше-влаклан ончыкылык професийым ойырен налаш полшен, умылтарен, шуктен шогымо пашаже пример лийын. Чыла тиде сомыл Шочмо эллан ончыкылык кадрым кушташ полшен.

– Саман вашталтмылан кōра пионержат, комсомолжат историеш веле кодыч.

Тачысе самырык тукум могай корно дене вияншаш?

– Самырык тукумым ончыко вўдышō организаций-влак кодшо курымын 90-ше ийлаштыже иканаште шаланышт. Туге гынат Марий Эл Республикым вуйлатыше-влак (тунам вуйлатыше органлаште ончыч-

пижын огынал! Самырык-влак «Ял – мыйын суртем, а мый тудын озаже» ўжмаш почеш иленит. Ялозан-

со комсомол лидер-влак лийынит) йоча да самырык-влакын виянме корныштым арален кодаш да у йогын дене виктарен колташ чыла йōным ыштенит. Кажне школышто пионервожатыйын пашавержым арален кодымо. Самырык-влакын пашашт шотышто кугужаныш комитетым (кызыт – Самырык-влак политике шотышто управлений) чумырымо. Пионер организацийым «Эр вий» СДПО алмаштыш. Йоча да самырык-влакым илышлан ямдылыме паша эре каен шоген. «Лидер» конкурсым, финн-угор лагерьым, юнкор сменым эртарыше-влак нимо дене таңастараш лийдыме пашам шуктат. Кугыен-влак палат да умылат: вет самырык ўдыр-рвезе-влак мемнан ончыкылыкна, алмаштышна улыт.

Л.ГРИГОРЬЕВА
мутланен.



14 ийым темлык, тунемше-влакым комсомолыш пуртенит. Ондак – школышто,

комсомол погынымашыште. ВЛКСМ-ын Уставше, В.Ленинын «Задачи союзов молодежи» пашаже почеш йодышым пуэденит. Тылеч вара комсомол райкомлышто приматленит.

Комсомолыш пуртымек, комсомол билетым да комсомол значокым кучыктенит.



Мыйын Одроп
пырысем

Ой чот онай.
Садлан тудым йөрәтем.
Одроп пешак сай!

Зарина ИВАНОВА.

Мыйын уло пырысем.
Тудын лүмжө – Семон.
Малаш моткоч йөрәтә,
Шөрланат пеш куана.
Семон ден(е) эре модам.
Семон – йолташ мылам.

Даша СЕМЕНОВА.
Морко, Коркатово.



$$\begin{matrix} \text{Dog} & \times & \text{Dog} & = & 16 \end{matrix}$$

$$\begin{matrix} \text{Dog} & \times & \text{Cat} & \times & \text{Cat} & = & 36 \end{matrix}$$

$$\begin{matrix} \text{Dog} & \times & \text{Cat} & \times & \text{Parrot} & = & 72 \end{matrix}$$

$$\begin{matrix} \text{Dog} & + & \text{Cat} & + & \text{Parrot} & = & ? \end{matrix}$$

Мынар лиеш?



Пырысем



Мыйын
Муся лүман пырысем
уло. Тудо мый денем эре
модеш, школ гыч толмем вучен
шинча. Муся – пеш ушан пырыс,
колям куча. Пырысемым пеш чот
йөрәтем.

Света БОГДАНОВА.
Советский, Орша.

Циркач гай

Мыйын кок пырысигем уло:
Бусинка да Кеша. Мый нуным түрлө
цирковой трюкым ышташ туныктем.
Пырысиге-влак нөлталме тоя гоч
төрштыл моштат, кокйола коштыт,
йүкымат пуат. Компьютер ваштареш
шинчын, Бусинка да Кеша дене
пырля Куклачёвын питомецше-влакым
ончена. Изи йолташем-влакым
кажне кечын ик шагатым ойырем.
Кызыт мый нуным шке йыр пörдаш
туныктем.

Ксения КАТКИНА, 6-шо класс.
У Торъял, Немда.



Пөлек – пинеге

У ий водын Йүштө Кугыза мылам
изи коробкым кучыктыш. Почым гын,
тушто изи гына пинеге шинча. Түсшө чот шеме,
шинчаже изи, йыргешке, шунал шырча гае,
почшо вичкыж. Опталтен колтыш –
вичкыж йүкшө пылышчорам шелеш
шонет. Тудлан Бобик лүмым
пуышна. Телым пörтыштө ончышна.
Кече ырыктымеке, кочам
пинегылан изи «пörтым» ыштыш.
Ынде тудо кажне толшым
йонгыдо йүкшө дене вашлиеш.

Даша САЙРАНОВА.

Пошкырт, Балтач, Мишкан.

Мастар кид

Хомяк марлаже – комаголя (арлан).

Ныл йолан йолташ
Ошкылеш кочкаш.
Мүшкырым теммеке,
Түналеш мырлаш.
Мырла, мырла,
А вара мален колта.


Ольга СТЕПАНОВА.
Морко, Шап Унчо.

Муська

Муська пырысем моткоч
йөрәтем. Шкеже ошо, нерже
да йолжо шеме-шеме, а шинча
же ужарге. Пörтыш пурымем
годым омса йүкым колешат –
ваштарешем кудал толеш.
Вара ме коктын модына.
Ковам деке пырля унала
коштына. Тушто шем пырыс
уло. Муська туддене модеш.
Модын ярнат да диваныш
каналташ возыт. Мый мөнгө
тарванем, а Муськан каймы
же ок шу.

Саша ГЛУШКОВА.
У Торъял, Кузнеч.

**Шулдыран сурткайыкым
чумаш, пераш ойрө – сулык лиеш.**



Палаш онай

Амурский тигр,
тыгак тудо уссурийский,
сибирский, маньчжурский
але северокитайский семен
палыме, пырыс урлыкын эн
кугу янлыкшылан шотлалтеш.
Куд тылзаш тигр 3,5 метр
кужытан, 1,2 метр күкшытан
да 300 кг нелытан лийын
кертеш. Тудо Приморский
да Хабаровский крайлаште
ила, тыгак Амур да Еврей
автоном областьлаште
вашлиялтеш.

Шыже ярминга

Школыштына кочкыш ярмингам эрта-рышна. Кажне тунемше шке кидше дене ямдылыме кочкышым ужалымашке луктын. Ме авам дене кочтын олма гыч сокым йоктарышна, шыл когылым кўэштна. Сумкашкем эше икмыняр орланге виноградым, олмам пыштышым. Вич урок деч вара ужалаш лекна. Кажне класс чот ямдылалтын. Ярмингаште улмылак чучо. Мый кондымо кочкышем чыла ужален пытарышым. А олма сокемжым тамлен-тамлен йўич, таум каласышт. Тыгай пайрем кочкышым ямдылен моштымо мастарлыкым терга.

Оля КУЗНЕЦОВА, 5-ше класс.
Волжский, Кугу Корамас.



2 октябрьште, Йоча-влакын газалыкыштым аралыме кечын, Нуктыж ФАП-ыш экскурсий дене мийышна. Фельдшер-акушер Ю.А.Иванова йоча-влаклан пеш онгай да пайдале экскурсийым эртарыш.

Е.ЮНУСОВА.
Звенигово район.



Пагыт


Чодырасе, садысе пушенге-влак нарынче да йошкар тўсым налыныт. Шокшо элыш чонештыше кайык-влак эркын-эркын корныш тарванат. Кызыт кечын кужытшо кўчыкемын. Кажне эрдене тўрза гыч ончалмек, школыш вашкыше йоча-влакым ужаш лиеш. Нуно шинчымашым погаш каят.

Нагаша СИДОРОВА.
Татарстан, Мамадыш,
Кугу Шия.



Дарья ИВАНОВАН сўретше.
Волжский, Пётъял.

Канистр гыч соляркым опгалаш, трактор кудо корно дене кудаллаш?



→ 1 ↑ 2 → 1 ↓ 3 → 2 ↓ 2 → 1 ↑ 3 → 2 ↓ 3
↑ 1 ← 2 ↓ 2 ↑ 1 ← 3 → 2 ↑ 3 ← 2 ↑ 1 → 2

Тушто

Мыйым кырат, мыйым пўчкыт, а мый ом сыре, порым гына ыштем.

«Зебр» кекс

Кўлыт: 175 г ложаш, 175 г сакрыложаш, 175 г маргарин, 3 муно, 2 кугу совла какао-порошок, 1,5 изи совла разрыхлитель.

Пушкыдемдыме маргариныш сакрыложашым ешарен, миксер дене лугена. Муным ешарена. Ложашым, разрыхлительым пыштена, варена. Какаоом вўдеш шулыктарена. Ямде руашым кокытлан шельына. Ик ужашышкыже какаоом ешарена. Нўшмўй дене йыгалтыме формыш черет дене оптена: ик изи совла ош руашым, мыняр коля ўмбачше ик изи совла шоколаданым. Лончо коклаш пўкышым Вашмутым пылышпыштена. 25-30 минутлан 180 градусан духовкыш шындына.

Тыште шылны? Шылны? Шылны? Шылны? Шылны? Шылны? Шылны? Шылны? Шылны? Шылны?



КОНКУРС!



Александра АНТРОПОВА.
Параньга, Одропсола.



Дана ден Дарина ОРЛОВАМЫТ.
Советский, Кукмарий.



Костя ШЕХУРДИН.
Шернур, Кукнур.

	1	2	3	4	5	6	7	8	9	10	11	12	13	14	15	16
А																
Б																
В																
Г																
Д																


945 кг
цементым
21 мешакыш
иктöр опымо.
Ик мешакыште
мыняр кило
цемент?

Алфавит

«Че» воктене
«Ша» шога,
«А» деч посна
возалтеш.
Шуко мут марла тудлан.
«Ш» дене «Шоган» тўгалеш.

Вес буква «Ца» маналтеш,
«А» деч посна возалтеш.
Марий мут уке тудлан.
«Щ»-лан «Щётко»
мут келша.
С.БЕССОНОВА.

**Такси кудо
вельш
кудалеш?**



Шўжаремын лўмжым пален налза.

- А: 2; 5; 8; 10; 11; 12; 15.
Б: 1; 3; 5; 7; 8; 12; 14; 16.
В: 1; 3; 5; 6; 8; 10; 11; 12; 14; 16.
Г: 1; 3; 5; 8; 12; 14; 16.
Д: 1; 3; 5; 8; 10; 11; 12; 14; 16.

Олеся ВОЙКИНА.

Шернур, Эшполдино.

Вот вет, кузе вет

- Визытым визытлан пайлет гын, мыняр лиш? - йодеш туныктышо.
- Ничья, - вaшешта тунемше.



Ик шырпым верже дене
вашталтен, чын вашмутым
ыштыза.



Индекс: Марий Элыште,
Пошкырт ден Татарстан
кундемлаште - П4696.
Тираж 1150 экз. Заказ 1990.
Формат - А-4-8.
Директор-тўн редактор
Л.В.Семенова.

УЧРЕДИТЕЛЬ-ВЛАК: Марий
Эл Республикысе культур, печат
да калык-влакын пашаш
шотышто министерстве, «Ямде
лий» газет» кугижаныш уни-
тарный казна предприятий.

Газетым Массовый коммуникаций
сферыште да культур наследиим
аралымаште законодательством шуктен шо-
гымым эскерше Федеральный службыв
Приволжский федеральный округысо управ-
ленийыштыже регистрироватлыме.
Номер - ПИ №ФС 18-1999,
2005 ий 10 февральыште пуымо.

Печатьыш пуымо жап - 14-00,
фактически - 13-00.

Авторын да редакцийын шоныма-
шышт тўрлө лийын кертыт. Се-
рыш-влак мөнгеш огыт колталт.
Ак - кутырен келшыме почеш.

E-mail: yamde_lii@mari-el.ru,
yamde_lii@mail.ru
Сайтын адресше: yamde-lii.pro,
Тел. 8(8362) 45-22-82
(факс).

Газетым редакцийыште погы-
мо да верстатлыме, «СТРИНГ»
ИПФ ООО-што ямде оригинал-макет гыч
савыктыме. Типографийын адресше:
424006, Йошкар-Ола, Строитель урем, 95.

Газетым Печать да массовый
коммуникаций шотышто
Федерал агентствын окса
полышыж дене лукмо.

0+

Редакцийын да издательнын адрес-
ше: 424006, Йошкар-Ола, СССР
Вооружённый Вийын
70-ше идалыкше урем, 20
(юридический)
Энеруьбал Амстердам, 1
(фактический).